



Broj/Broj: 03/1-50-14-7-5/11

Sarajevo/Sarajevo, 5. 10. 2011. godine

**PREDMET: Informacija o održanom sastanku s Viktorom fon Vilkenom, direktorom  
Odjela za sigurnosnu saradnju Misije OSCE-a u BiH**

Članovi Kolegija Zajedničke komisije za odbranu i sigurnost BiH (ZK), 7.9.2011., održali su sastanak s Viktorom fon Vilkenom (Victor von Wilcken), direktorom Odjela za sigurnosnu saradnju Misije OSCE-a u BiH.

Dušanka Majkić, predsjedavajuća, Borjana Krišto, prva zamjenica predsjedavajuće, Šefik Džaferović, drugi zamjenik predsjedavajućeg, Željko Grubešić, stručni savjetnik, upoznali su direktora fon Vilkena i njegove saradnike Dejvida Kempiona i Jasnu Dragičević o radu i planovima rada ZK u 2011. ocjenivši saradnju s Odjelom za sigurnosnu saradnju veoma dobrom, partnerskom i saradnjom koja može biti primjer po brojnim pitanjima.

Direktor fon Vilken je u uvodnom dijelu istakao da su Odjel za sigurnosnu saradnju i on izuzetno zadovoljni saradnjom koja se temelji na jasnim i partnerskim principima.


Za njega su planovi aktivnosti ZK izuzetno interesantni, sadržajni i imaju za cilj da unaprijede brojne segmente koji parlamentarni nadzor treba da učine sadržajnijim i efikasnijim.

Dušanka Majkić, Borjana Krišto i Šefik Džaferović su u svojim obraćanjima tokom sastanka naglasili težišne aktivnosti ZK, ističući spremnost da se rješavaju sve evidentniji problemi u sektoru odbrane i sigurnosti.

Nakon razmjene mišljenja o brojnim temama dogovoreno je da će Odjel za sigurnosnu saradnju i Misija OSCE-a u cjelini nastaviti s podrškom u radu ZK na osnovu planova i programa rada ZK, da će se Odjel angažirati u pomoći ZK oko izrade pripreme Prijedloga zakona o parlamentarnom nadzoru sektora odbrane i sigurnosti u što će se nastojati ugraditi pozitivna iskustva zemalja iz regiona i šire. Razmotrit će se i mogućnost održavanja regionalne konferencije o modelima parlamentarnog nadzora tokom prve polovine 2012. s sagledavanjem stanja i modela koji će dati odgovore na jedan broj otvorenih pitanja u ovoj oblasti.

Dostavljeno:

- naslovu
- a/a



PREDsjedavajuća  
ZAJEDNIČKE KOMISIJE  
Dušanka Majkić